

Fjármála- og efnahagsráðuneytið
Arnarhvoli við Lindargötu
101 Reykjavík

Sent á samráðsgátt

Reykjavík, 9. september 2019

Efni: Tillögur Samtaka atvinnulífsins í málinu „Starfshópur um skattalegt umhverfi þriðja geirans“

Samtök atvinnulífsins (SA) vísa í ofangreint mál sem birt var á samráðsgátt stjórnvalda 4. júlí 2019 þar sem óskað var eftir afstöðu hagsmunaaðila til nánar tilgreindra atriða.

Markmið starfshópsins sem skipaður var 1. apríl sl. er að fara yfir skattalegt umhverfi þeirrar starfsemi sem fellur undir þriðja geirann, þ.e. starfsemi sem fellur hvorki undir einkageirann né opinbera geirann. Um er að ræða starfsemi íþróttafélaga, björgunarsveita, góðgerðarfélaga og mannúðarsamtaka o.fl. Einnig verður horft til menningarstarfsemi. Annað markmið vinnunnar er að stuðla að auknu samræmi starfseminnar við sambærilega starfsemi í nágrannaríkjum Íslands en komið hefur á daginn að skattaundanþágur eru víðtækari fyrir þennan geira þar en hér á landi. Starfshópnum er ætlað að leggja fram tillögur að breytingum á lagaumhverfi um skattlagningu þessarar starfsemi.

SA leggja áherslu á einfalt lagaumhverfi til hagsbóta fyrir atvinnulíf og einstaklinga. Með sérstakri reglusetningu fyrir þriðja geirann er verið að flækja kerfið með nýjum ívilnunum. Æskilegra væri að lækka tryggingagjald og tekjuskattshlutfall fyrirtækja, sé ætlunin að ráðast í skattalagabreytingar. Auk þess eru líkur á því að þrátt fyrir að einstaklingar og lögaðilar leggi starfsemi þriðja geirans lið í meira mæli muni það ekki verða til þess að draga úr stuðningi hins opinbera.

Mikilvægt er að framangreind sjónarmið verði höfð að leiðarljósi við vinnu starfshópsins.

Virðingarfyllst,

f.h. Samtaka atvinnulífsins



Heiðrún Björk Gísladóttir